


sanas, et ignoscendo conservas :
præsta supplicibus tuis ut et
tranquillitatibus hujus optatæ
consolationis lætemur, et dono
tuæ pietatis semper utamur. Per
Dominum nostrum Jesum-
Christum, etc.

¶ Dominus vobiscum. R. Et
cum spiritu tuo.

¶ Exaudiat nos omnipotens
et misericors Dominus.

¶ Et fidelium animæ per
misericordiam Dei, requiescant
in pace. R. Amen.

Rocie con agua bendita, si no está patente el
Santisimo.



Preces en tiempo de hambre
y necesidad.

En todo guárdese el orden que en las Letanías mayores, folio 284, y en las preces se dirá dos veces : *Ut fructus terræ dare, et conservare digneris*, y al fin de ellas y del *Pater noster*, se dirá el siguiente

PSALMUS 22.

DOMINUS régit me, et nihil
mihi déerit : * in loco pa-
scuæ ibi me collocávit.

Super aquam refectiõnis edu-
cávit me : * ánimam meam
convértit.

Dedúxit me super sémitas
justitiæ, * propter nomen suum.

Nam et si ambulávero in me-
dio umbræ mortis, non timébo
mala : * quóniam tu mecum es.

Virga tua, et báculus tuus, *
ipsa me consoláta sunt.

Parásti in conspéctu meo
mensam, * advérsus eos qui trí-
bulant me.

Impinguásti in óleo caput
meum : * et cálix meus iné-
brians quám præclárus est.

Et misericordia tua subséque-

tur me, * ómnibus diébus vitæ meæ.

Et ut inhábitem in domo Dómini, * in longitudinem diérum.

Glória Patri et Fílio, etc.
Sicut erat in principio, etc.

℣. Dómine, non secúndum peccáta nostra fácias nobis.

℞. Neque secúndum iniquitátes nostras retríbuas nóbis.

℣. Oculi omnium in te spérant, Dómine.

℞. Et tu das illis éscam in témpore opportúno.

℣. Meménto congregatiónis tuæ.

℞. Quam possedísti ab initio.

℣. Dóminus dábit benignitátem.

℞. Et terra nostra dabit fructum suum.

℣. Dómine, exáudi oratiónem meam, etc.

℣. Dóminus vobiscum. ℞. Et cum spíritu tuo.

Orémus.

INEFFABILEM nóbis, Dómine, misericórdiam tuam cleméner osténde : ut simul nos et á peccátis ómnibus exuas, et á poenis, quas pro his merémur, erípias.

Da nobis, quæsumus, Dómine, piæ supplicatiónis efféctum, et famem propitiátus avérte : ut mortálium corda cognóscant, et te indignánte talia flagélla prodíre; et te miseránte cessáre.


Pópulum tibi súbditum, pro peccátis suis, fame laborántem ad te, Dómine, convérte propítius, qui quæréntibus régnum

tuum omnia adjicienda esse dixisti. Qui vivis et regnas, cum Deo Patre, etc. Amen.

V. Dóminus vobiscum. **R.** Et cum spíritu tuo.

V. Exáudiat nos omnípotens, et miséricors Dóminus.

R. Et fidélium ánimæ per misericórdiam Dei requiescant in pace. Amen.



Procesión en tiempo de mortandad y peste.

En todo guárdese el órden que en las letanías mayores, fólío 284, y en las preces, despues del **V.** *A morte perpétua, etc.*, se dirá dos veces: *A peste, fame et bello.* Y concludido el **V.** *Ut omnibus fidelibus defunctis,* etc., se dice: *Ut á pestilentie flagello nos liberare digneris.* Al fin de las preces se dirá: *Pater noster, etc.* y luego el siguiente:

PSALMUS 6.

DOMINE, ne in furóre tuo árguas me, * neque in ira tua corrípias me.

Miserére mei, Dómine, quóniam infirmus sum: * sana me, Dómine, quóniam conturbáta sunt ossa mea.

Et ánima mea turbáta est valde: * sed tu, Dómine, úsquequo?

Convértere, Dómine, et éripe ánimam meam: * salvum me fac propter misericórdiam tuam.

Quóniam non est in morte qui memor sit tui: * in inférno autem quis confitébitur tibi?

Laborávi in gémitu meo, lavábo per síngulas noctes lectum meum: * lácrymis meis strátum meum rigábo.

Turbátus est á furóre óculus meus: * inveterávi inter omnes inimícos meos.

Discédite á me omnes, qui operámini iniquitátem: * quó-